

四庫全書

集部

欽定四庫全書

甫里集卷十二

唐 陸龜蒙 撰

七言絕句

和友人許惠酒以詩徵之

凍醪初漉嫩如春
輕蟻漂漂雜藥塵
得伴方平同一醉
明朝應作蔡經身

圓載上人挾儒書歸日本國

金八
卷十二
九流三藏一時傾萬軸光凌渤海聲從此遺編東去後
却應荒外有諸生

閒吟

閒吟料得三更盡始把孤燈背竹窓一夜西風高浪起
不教歸夢過寒江

秘色越器

九秋風露越寒開奪得千峰翠色來好向中宵盛沆瀣
共嵇中散鬪遺杯

景陽宮井

古堞烟埋宮井樹
陳主吳姬墮泉處
舜沒蒼梧萬里雲
却不聞將二妃去

江南二首

便風船尾香橈熟
細雨罌頭赤鯉跳
待得江飡閒望足
日斜方動木蘭橈

村邊紫葢花垂次
岸上紅梨葉戰初
莫怪煙中重回首
酒家青紵一行書

溪思雨中

雨映前山萬絢絲
櫛聲衝破似鳴機
無端織得愁成段
堪作騷人酒病衣

江城夜泊

漏移寒箭丁丁急
月掛虛弓靄靄明
此夜離魂堪射斷
更須江笛兩三聲

宮人斜

草著愁烟似不春
晚鶯哀怨問行人
須知一種埋香骨

猶勝昭君作虜塵

送綦客

滿目山川勢似綦
況當秋鴈正斜飛
金門若召羊玄保
賭取江東太守歸

漢宮詞

招靈閣上霓旌絕
柏梁臺中珠翠稠
一身三十六宮夜
露滴玉盤青桂秋

上清

玉林風露寂寥清
仙妃對月閒吹笙
新篁冷澀曲未盡
細拂雲枝棲鳳驚

秋荷

蒲茸承露有佳色
茭葉束煙如効顰
盈盈一水不得渡
冷翠遺香愁向人

有別二首

且將絲線繫蘭舟
醉下烟汀減去愁
江上有樓君莫上
落花隨浪正東流

池上已看鶯舌默雲間應即鴈翰開
唯愁別後當風立
萬樹將秋入恨來

病中曉思

月墮霜西竹井寒
轆轤絲凍下瓶難
幽人病久渾成渴
愁見龍書一鼎乾

送友之湖上

故人溪上有魚舟
竿倚風蘋夜不收
欲寄一函聊問訊
洪喬寧作置書郵

寒日逢僧

瘦脰高褰梵屨輕
野塘風勁錫環鳴
如何不向深山裏
坐擁閒雲過一生

冬柳

柳汀斜對野人牕
零落衰條傍曉江
正是霜風飄斷處
寒鷗驚起一雙雙

寄友

敬亭寒夜溪聲裏
同聽先生講太玄
上得雲梯不回首

釣竿猶在五湖邊

島樹

波濤漱苦盤根淺風雨飄多著葉遲
迴出孤煙殘照裏
鷺鷥相對立高枝

頭陀僧

萬峰圍繞一峰深
向此長脩苦行心
自掃雪中歸鹿跡
天明恐被獵人尋

晚渡

半波風雨半波晴
漁曲飄秋野調清
各樣蓮船逗村去
笠簷蓑袂有殘聲

贈老僧二首

枯貌自同霜裏木
餘生唯指佛前燈
少時寫得坐禪影
今見問人何處僧

自有家山供衲線
不離溪曲取庵茅
舊曾聞說林中鳥
定後長來頂上巢

憶山泉

一夜寒聲來夢裏
平明著屐到聲邊
心期盛夏同過此
脫却荷衣石上眠

白芙蓉

澹然相對却成勞
月染風裁箇箇高
似說玉皇親謫墮
至今猶著水霜袍

嚴光釣臺

片帆竿外揖清風
石立雲孤萬古中
不是狂奴為故態
仲華爭得黑頭公

讀陳拾遺集

蓬顆何時與恨平
蜀江衣帶蜀山輕
尋聞騎士梟黃祖
自是無人祭禰衡

吳宮懷古

香逕長洲盡棘叢
奢雲艷雨祗悲風
吳王事事須亡國
未必西施勝六宮

送琴客之建康

蕙風杉露共泠泠
三峽寒泉漱玉清
君到南朝訪遺事

柳家雙鎖舊知名

閨怨

白袷行人又遠遊
日斜空上映花樓
愁絲墮絮相逢著
絆惹春風卒未休

丁香

江上悠悠人不問
十年雲外醉中身
殷勤解却丁香結
縱放繁枝散誕春

種蒲

杜若溪邊手自移
旋抽煙劍碧參差
何時織得孤帆去
懸向秋風訪所思

范蠡

平吳專越禍胎深
豈是功成有去心
句踐不知嫌鳥喙
歸來猶自鑄良金

山僧二首

山蘚幾重生草履
澗泉長自滿銅鉶
時將如意敲眠虎
遣向林間坐聽經

一夏不離蒼島上秋來頻話石城南思歸瀑布聲前坐
却把松枝拂舊庵

上雲樂

青絲作笮桂為船白兔擣藥蝦蟇丸便浮天漢泊星渚
回首笑君承露盤

眠

一簾臨窓薤葉秋小簾風蕩半離鉤魂清雨急夢難到
身在五湖波上頭

行

尋人直到月塢北
覓鶴便過雲峰西
只今猶有疎野調
但繞莓苔風雨畦

倚

橘下凝情香染巾
竹邊留思露搖身
背煙垂首盡日立
憶得山中無事人

吟

憶山搖膝石上晚懷古
掉頭溪畔涼有時得句一聲發

驚起鷺鷥和夕陽

食

日午空齋帶睡痕
水蔬山藥薦盤飧
林鳥信我無機事
長到而今下石盆

坐

偶避蟬聲來隙地
忽隨鴻影入遼天
閒僧不會寂寥意
道學西方人坐禪

新沙

渤澥聲中漲小隄官家知後海鷗知蓬萊有路教人到
應亦年年稅紫芝

鄴宮詞二首

魏武平生不好香楓膠蕙炷潔宮房可知遺令非前事
却有餘薰在繡囊

花飛蝶駭不愁人水殿雲廊別置春曉日靚粧千騎女
白櫻桃下紫綸巾

古別離

仙人左手把長箭欲射日烏烏不棲何事離情畏明發
一心唯恨汝南雞

高道士

峨眉道士風骨峻手把玉皇書一通東遊借得琴高鯉
騎入蓬萊清淺中

蔬食

孔融不要留殘膾庾悅無端恠子鵝香稻熟來秋菜嫩
伴僧飡了聽云何

寄遠

縹梨花謝鶯口喫黃犢少年牛未歸
畫扇紅絃相揜映
獨看斜月下簾衣

山中僧

手關一室翠微裏
日暮白雲棲半間
白雲朝出天際去
若比老僧猶未閒

洞宮秋

濃霜打葉落地聲
南溪石泉細泠泠
洞宮寂寞人不寐

坐見月生雲母屏

連昌宮詞二首

門

金鋪零落獸鐶空
斜揜雙扉細草中
日暮烏歸宮樹綠
不聞鴉軋閉春風

階

草沒苔封疊翠斜
墜紅千葉擁殘霞
年年直為秋霖苦
滴陷青珉隱起花

懷宛陵舊遊

陵陽佳地昔年遊
謝朓青山李白樓
唯有日斜溪上思
酒旗風影落春流

松石曉景圖

霜骨雲根慘澹愁
宿烟封著未全收
將歸與說文通後
寫得松江岸上秋

釣車

小輪輕線妙無雙
曾伴幽人酒一缸
洛客見時如有問

輾煙衝雨過桐江

漉酒巾

靖節高風不可攀
此巾猶墜凍醪間
偏宜雪夜山中戴
認取時情與醉顏

華陽巾

蓮花峯下得佳名
雲褐相兼上鶴翎
須是古壇秋霽後
靜焚香炷禮寒星

方響

擊霜寒玉亂丁丁花底秋風拂坐生
王母閒看漢天子
滿猗蘭殿珮環聲

白鷺

雪然飛下立蒼苔應伴江鷗拒我來
見欲扁舟搖蕩去
倩君先作水雲媒

溪行

晚天寒雨上灘時他已揚舠我尚遲
自是檣低帆幅少
溪風終不兩般吹

太湖叟

細漿輕船買石歸
酒痕狼藉徧苔衣
攻車戰艦繁如織
不肯回頭問是非

答友

荆卿雄骨化為塵
燕市應無共飲人
能脫鸛鶴來換酒
五湖賒與一年春

偶作

酒信巧為縲病緒
花音長作嫁愁媒
也知愁病堪回避

爭奈流鶯喚起來

春思二首

竹外麥烟愁漠漠短翅啼禽飛魄魄此時憶著千里人
獨坐支頤看花落

江南酒熟清明天高高綠旆當風懸誰家無事少年子
滿面落花猶醉眠

訪僧不遇

棹倚東林欲問禪遠公飛錫未應還蒙莊弟子相看笑

何事空門亦有關

謝山泉

泱泱春泉出洞霞
石壩封寄野人家
草堂盡日留僧坐
自向前溪摘茗芽

洞宮夕

月午山空桂花落
華陽道士雲衣薄
石壇香散步虛聲
杉雲清冷滴栖鶴

峽客行

萬仞峯排千劒束孤舟夜繫峯頭宿蠻溪雪壞蜀江傾
灩澦朝來大如屋

江邊

江邊日晚潮煙上樹裏鴉鴉桔槔響無因得似灌園翁
十畝春蔬一藜杖

簾

枕映疎容晚向歌秋煙脈脈雨微微逆風障燕尋常事
不學人前當妓衣

開元雜題七首

玉龍子

何代奇工碾玉英
細髯纖角盡雕成
煙乾霧悄君心苦
風雨長隨一擲聲

照夜白

雪蚪輕駿步如飛
一練騰光透月旗
應笑穆王拋萬乘
踏風鞭露向瑤池

舞馬

月窟龍孫四百蹄，驕驤輕步應金鞵。
曲終似要君王寵，回望紅樓不敢嘶。

雜伎

拜象馴犀角觝豪星丸，霜劍出花高六宮。
爭近乘輿望珠翠，三千擁赭袍。

雪衣女

嫩紅鈎曲雪花攢，月殿棲時片影殘。
自說夜來春夢惡，學持金偈玉欄干。

繡嶺宮

繡嶺花殘翠倚空
碧牕瑤砌舊行宮
閒乘小駟濃陰下
時舉金鞭半袖風

湯泉

暖殿流湯數十間
玉渠香細浪回環
上皇初解雲衣浴
珠棹時敲瑟瑟山

荆溪早景題杜秀才水亭

曉和風露立晴煙
祗恐腥魂浣洞天
雲肆有龍君若買

便敲初日鑄金錢

翠碧

紅襟翠翰兩參差
徑拂煙華上細枝
春水漸生魚易得
莫辭風雨坐多時

甫里集卷十二

欽定四庫全書

甫里集卷十三

唐 陸龜蒙 撰

雜體詩

水國

水國不堪旱斯民生甚微直至葭莢少敢言魚蟹肥我
到荒村無食啗對案又非謝梁覽況是乾苗結子疎歸
時祇得藜羹糝

井上桐

美人傷別離，汲井常待曉。
愁因轆轤轉，驚起雙棲鳥。
獨立傍銀牀，碧梧風嫋嫋。

門前路

門前向城路，一直復一曲。
曲去日中還，直行日暮宿。
何必日中還，曲塗荆棘間。

彼農

四言二首

世路巖險淳風蕩，除彼農家流猶存。
厥初稿焉而席茨。

焉而居首亂如葆形枯若腊大耋既鮐童子未齧

音以

負以載悉孳悉鉏我慕聖道我耽古書小倦于學時遊
汝廬有飯一盛莫鹽莫蔬有縑一緹不襟不袪所謂飢
寒汝何道歟

又

禹貢厥田上下各異善人為邦民受其賜去年西成野
有遺穗今夏南畝旱氣赤地遭其豐凶概斂無二退輸
弗供進訴弗視號于旻天以血為淚孟子有言王無罪

金匱先生集卷十三
歲詩之窮辭以嫉悍吏

曉起即事因成迴文寄襲美

平波落月吟閒景暗幌浮烟思起人
清露曉垂花謝半
遠風微動蕙抽新城荒上處樵童小
石蘚分來宿鷺馴
晴寺野尋同去好古碑苔字細書勻

迴文

靜煙臨碧樹殘雪背晴樓冷天侵極
戍寒月對行舟

奉詔苦雨見寄

松篁交加午陰黑別是江南煙靄國頑雲猛雨更相欺
聲似虎號色如墨茅茨衰爛簷生衣夜夜化為螢火飛
螢飛漸多屋漸薄一注愁霖當面落愁霖愁霖爾何錯
減頂于余奚所作既不能賦似陳思王又不能詩似謝

康樂

曹有愁霖賦
謝有愁霖詩

昔年嘗過杜子美亦得高歌破印紙

慣曾掀攪大筆多為我才情也如此高揖愁霖詞未已
披文忽自皮夫子哀絃怨柱合為吟恹我窮棲蓬藿裏
初悲濕翼何由起未欲牋天叩天耳其如玉女正投壺

笑電霏霏作天喜我本曾無一稜去田平生嘯傲空漁

船有時赤脚弄明月踏破五湖水底天去歲王師東下

急輸兵粟盡民相泣伊余不戰不耕人敢怨烝黎無糝

粒不然受性圓如規千姿萬態分毫釐唾壺虎子盡能

執舐痔折枝無所辭有頭強方心強直撐柱頽風不量

力自愛垂名野史中寧論被困荒城側唯君浩歎非庸

人分衣輟飲來相親橫眠木榻忘華薦對食露葵輕八

珍欲窮玄鳳未白欲懷仙鯨尚隔不如驅入醉鄉中只

恐醉鄉田地窄

夏日閒居作四聲詩寄襲美

平聲

荒池菰蒲深閑堦莓苔平江邊松篁多人家簾櫳清為
書凌遺編調絃夸新聲求惟雖殊途探幽聊怡情

平上聲

朝煙涵樓臺晚雨染島嶼漁童驚狂歌艇子喜野語山
容堪停杯柳影好隱暑年華如飛鴻斗酒幸且舉

平去聲

新開窓猶偏自種蕙未遍書籤風搖聞釣榭霧破見耕
耘閑之資嘯詠性最便希夷全天真詎要問貴賤

平入聲

端居愁無涯一夕髮欲白因為鸞章吟忽憶鶴骨客手
披丹臺文脚著赤玉舄如蒙清音誦若渴吸月液

誦苦雨四聲重寄三十二句

平聲

幽棲眠疎窓豪居憑高樓浮漚驚跳丸寒聲思重裘牀
前垂文竿巢邊登輕舟雖無東臯田還生魚乎憂

平上聲

層雲愁天低久雨倚檻冷絲禽藏荷香錦鯉遶島影心
將時人乖道與隱者靜桐陰無深泉所以逞短綆

平去聲

烏蟾俱沈光晝夜恨暗度何當乘雲螭面見上帝憇臣
言陰靈欺詔用利劍付迴車誅群姦自散萬籟怒

平入聲

危簷仍空階十日滴不歇青莎看成狂白菊即欲沒吳
王荒金樽越妾挾玉瑟當時雖愁霖亦若惜落月

疊韻雙聲二首

疊韻山中吟

瓊英輕明生石脉滴瀝碧玄鉛仙偏憐白幘客亦惜

雙聲溪上思

溪空唯容雲木密不隕雨迎漁隱映間安問謳鴉舫

疊韻吳宮詞二首

膚愉吳都姝眷戀便殿宴逡巡新春人轉面見戰箭

又

紅櫳通東風翠珥醉易墜平明兵盈城棄置遂至地

惜花

人壽期滿百花開唯一春其間風雨至旦夕旋為塵若
使花解愁愁于看花人

和胥口即事

六言二首

雨後山容若動天
寒樹色如消目
送迴汀隱隱
心隨挂鹿搖搖
白蔣知秋露
衰青楓欲暮
烟饒莫問吳趨
行樂酒旗竿倚
河橋

把釣絲隨浪遠
采蓮衣染香濃
綠倒紅飄欲盡
風斜雨細相逢
斷岸沈漁罟
畧約畧二音
魚網也隣村送客
艫舸即是

清霜刮野乘閒
莫厭來重

聯句詩

寒夜聯句

靜境揖神凝，寒華射林缺。

龜蒙

清知思緒斷，爽覺心源澈。

休日

高唱夏金奏，朗詠鏗玉節。

龜蒙

我思方沈寥，君詞復淒

切。

休日

沉聞風簟上，擺落殘凍雪。

龜蒙

寂爾萬籟清，皎然諸

靄滅。

休日

西窓客無夢，南浦波應結。

龜蒙

河光正如劍，月魄

方似玦。

休日

短燼不禁挑，冷毫看欲折。

龜蒙

何夕重相期，濁

醪還為設。

休日

開元寺樓看雨聯句

海上風雨來，掀轟雜飛電。登樓一凭檻，滿眼蛟龍戰。

龜蒙

須臾造化慘倏忽堪輿變萬戶響戈鋌千家披組練

休日

群飛拋輪石雜下攻城箭點急似摧胸行斜如中面

蒙龜

細灑魂空冷橫飄目能眩垂簷珂珮喧爆瓦珠璣濺

休日

無言九陔遠瞬息馳應遍密處正垂絙微時又懸綫

蒙龜

寫作玉界破吹為羽林旋翻傷列缺勞却怕豐隆倦

休日

遙瞻山露色漸覺雲成片遠樹欲鳴蟬深簷尚藏燕

蒙龜

殘雷隱鱗盡反照依微見天光潔似磨湖彩熟于練

休日

疎帆逗前渚晚磬分涼殿接思強揮毫窺詞幾焚硯

蒙龜

估粟烏皮几輕明白羽扇畢景好疎吟餘涼可清宴

休日

君攜下高磴僧引還深院皎蘚淨鋪筵低松濕垂鬚

蒙龜

齋明乍虛豁林霽逾蔥蒨早晚重登臨欲去多離戀

休日

北禪院避暑聯句

院昔為戴顓宅後
司勳陸郎中居之

歎蒸何處避來入戴顓宅逍遙脫單絛放曠拋輕策屣

搔林下風偃仰澗中石

休日

殘蟬烟外響野鶴沙中跡到

此失煩襟蕭然揖禪伯藤懸疊霜蛻桂倚支雲錫

龜蒙清

陰豎毛髮爽氣舒筋脈逐幽隨竹書選勝鋪苴席魚跳

上紫艾蝶化綠青壁

休日

心是玉蓮徒耳為金磬敵吾宗

昔高尚志在義皇易豈獨斷韋編幾將刊鐵摘

龜蒙

天書

既屢降野抱難自適一入承明廬盱衡論今昔流光不

容寸斯道甘枉尺

休日

既起謝儒玄亦翻商羽翼封章帷

幄遍夢寐江湖白擺落函谷塵高歌華陽憤

龜蒙

詔去雲

無信歸來鶴相識半病奪牛公全慵捕魚客少微光一

點落此芒殲索

休日

釋子問池塘門人廢幽蹟堪悲東序

寶忽變西方籍不見步兵詩空懷康樂屐

龜蒙

高名不可

效勝境徒堪惜墨沼轉疎蕪玄齋逾閒寂遲遲不能去

涼颼滿杉柏

休日

日下洲島清煙生苾芻碧俱懷出塵想

共有吟詩癖終與淨名遊還來雪山覓

龜蒙

寂上人院聯句

癭牀空默坐清景不知斜暗數菩提子閒看薜荔花

休日

有情唯墨客無語是禪家背日聊依桂嘗泉欲試茶

龜蒙

石形蹲玉虎池影閃金虵經笥安巖叵餅囊挂樹樞

休日

書傳滄海外龕寄白雲涯竹色寒凌箔燈光靜隔紗

龜蒙

趣幽翻小品逐勝講南華
莎彩融黃露蓮衣染素霞

休日

水堪傷聚沫風合落天葩
若許傳心印何辭古堞賒

蒙龜

開元寺避暑懷魯望因飛筆聯句

煩暑雖難避僧家自有期
泉甘于馬乳苔滑似龍鱗

休日

任誕襟全散臨幽榻旋移松
行將雅拜篁陣欲交麾

蒙龜

望塔青髯識登樓白鴿知
石經森欲動珠像儼將怡
筠

簟臨杉穗紗巾透雨絲
靜譚蟬噪少涼步鶴隨遲

休日煙

重迴蕉扇風輕拂桂帷
對碑吳地說開卷梵天詞
積水

魚梁壞殘花病枕歌懷君瀟灑處孤夢繞果思

龜蒙

藥名聯句

為待防風餅須添薏苡杯

張賁

香燃柏子後罇泛菊花來

休日

石耳泉能洗垣衣雨為栽

龜蒙

從容犀局靜斷續玉琴

哀

賁

白芷寒猶採青箱醉尚開

休日

馬銜衰草卧烏啄蠹

根迴

龜蒙

雨過蘭芳好霜多桂未摧

賁

朱兒應作粉雲母

詎成灰

休日

藝可屠龍膽家曾近燕胎

龜蒙

牆高牽薜荔障

軟撼玫瑰

賁

鷗鼠啼書戶蝸牛上硯臺

休日

誰能將藁本

封與玉泉才

龜蒙

寒夜文宴聯句

文星今夜聚應在斗牛間

日休

載石人方至乘槎客未還

賁

送觴繁露曲微句白雲顏

龜蒙

節奏惟聽竹從容只話

山

日休

理窮傾秘藏論猛折玄關

賁

鄴酒分中綠巴牋擘

處殷

龜蒙

清言聞後醒強韻壓來艱

日休

犀柄當風揖瓊枝

向月攀

賁

松吟方噤噤泉夢憶潺潺

龜蒙

一會文章艸昭

明不可刪

日休

報恩寺南池聯句

時稔秀才
嵩起同作

古岸涵碧落

龜蒙

虛軒明素波坐來魚陣變

日休

吟久菊香

多秋草分杉露

嵩起

危橋下竹坡遠峯青髻並

龜蒙

密樹紫

髯和趙論寒仍講

日休

支硎僻亦過齋心曾養鶴

嵩起

揮翰

好邀鵝

南峯院即故相國裴公書額

相

倚石收奇藥

龜蒙

臨溪藉淺莎桂

花晴似拭

日休

荷鏡曉如磨翠出牛頭聳

嵩起

苔深馬跡跛

石上有支公馬跡

傘歌從野醉

龜蒙

巾側任田歌跢跢松形矮

日休

般跚檜越銜香飛僧印火

嵩起

泉急使鑣珂菱鈿真堪帖

龜蒙

尊絲亦好拖幾時無一事

日休

相伴著煙蘿

嵩起

夜會問答十首

寒夜清

日休問
魯望

簾外迢迢星斗明況有簫間洞中客吟

為紫鳳呼凰聲

時華陽廣文
先生

癭木杯

龜蒙問
襲美

杉贅楠瘤剗得來莫怪家人畔邊笑渠

心祗愛黃金罍

落霞琴

日休問
潤卿

寥寥山水揚清音玉皇仙馭碧雲遠空

使松風終日吟

蓮花燭

賁問
襲美

亭亭嫩蘂生紅玉不知含淚怨何人欲問

無由得心曲

金火障

日休問
魯望

紅獸飛來射羅幌夜來斜展掩深爐半

睡芙蓉香蕩漾

憶山月

龜蒙問
潤卿

前溪後溪清復絕看看又及桂花時空

寄子規啼處血

錦鯨薦

賁問
襲美

碧香紅膩承君宴幾度閒眠却覺來彩鱗

飛出雲濤面

懷溪雲

日休問
魯望

漠漠閑籠鷗鷺群有時日暮碧將合還

被漁舟來觸分

霜中笛

龜崇問
榮美

落梅一曲瑤華滴不知青女是何人三

奏未終頭已白

月下橋

日休問
魯望

風外拂殘衰柳條倚欄杆處獨自立青

翰何人吹玉簫

甫里集卷十三

欽定四庫全書

集部

甫里集卷十四至
七

詳校官國子監司業臣納麟寶

檢討臣何思鈞覆勘

總校官庶吉士臣倉聖脉

校對官助教臣羅萬選

謄錄監生臣羅善慶

欽定四庫全書

甫里集卷十四

唐 陸龜蒙 撰

賦

春寒

宋玉雲夢侍從賦成酒闌君王慘愴顧曰春寒玉少進
曰太王之國三分水居其一太王之宮後庭女子充溢
洪波浮其空幽怨積其中不得不雨不得不風風橫雨

斜天地溟濛寒之中人有異于嚴冬其來也低迷其壯
也惆悵理難辨而詞作色雖莊而意蕩明滅薰鑪留連
繡帳相逢置酒則少避醺顏獨自登樓則偏凌遠望臨
窓戶遶池塘絲輕畏逼花怯愁當遊蜂為之絕跡好鳥
為之深藏齊紈失色越絮騰光掩抑兮幽襟更遠連牽
兮別緒彌長芳神失職陰御爭強朝耕犢戰暮箔蠶僵
民病如此君何勿傷襄王于是下席稱謝撤燕戲省嬪
嬙以黃金為玉壽然後返駕乎高唐

後虱

并序

余讀玉溪生虱賦有就顏避跖之歎似未知虱賦以
矯之

衣緇守白髮華守黑不為物遷是有常德小人趨時必
變顏色棄瘠逐腴乃虱之賊

杞菊

并序

天隨子宅荒少牆屋多隙地著圖書所前後皆樹以
杞菊春苗恣肥日得而採擷之以供左右盃案及夏

五月枝葉老硬氣味苦澀旦暮猶責兒童拾掇不已
人或歎曰千乘之邑非無好事者家日欲擊鮮為具
以飽君者多矣君獨閉關不出率空腸貯古聖賢道
德言語何自苦如此生笑曰我幾年來忍飢誦經豈
不知屠沽兒有酒食耶退而作杞菊賦以自廣云

惟杞惟菊包寒互綠或穎或苔煙披雨沐我衣敗綈我
飯脫粟羞慙齒牙苟且梁肉蔓延駢羅其生實多爾杞
未棘爾菊未莎其如予何其如予何

苔
并序

江文通嘗著青苔賦置苔之狀則有之懲勸之道雅
未聞也如此則化下風上之旨廢因復為之以嗣其
聲云

天地閉風雨積門徑秋莓苔植離方抱圓累紫疊碧始
分封于危亭之下終略地于荒畦之側侵竹塢而縱步
占蘭疇而盈尺麗色何似嘉名孰為高有瓦松卑有澤
葵散岩竇者石髮補空田者垣衣在屋曰昔邪在藥曰

陟釐

音黎

質被綠錢之美香聞艾納之奇或藻

徒舍切

或葩

軫

或蘚或落

文苦反

諒含姿而是類斯感物以隨時則有

衛霍天姻金張世族侯以恩澤拜館以形勝築壁僭塗

椒階綠城玉牀丹雘之象盡帳蒼梧之翠禿謂爵祿不

必仁守英髦可以力服行叶四凶身圖五福一日盈滿

中年顛覆斯苔也染婕妤之簪迨晚偏青封廷尉之門

經秋更綠彼失寵以亡家者鮮不慟哭則有林塘疎薄

衡泌蕭條茅茨上古机格

已各反

南朝畫偃則書淫畫聖

晡歸則婦餉兒樵溝通壤漸路隔危橋雨霽而魚驚沫
聚霜乾則鶴刷翎飄浪求名而獲屈虛卜命而龜焦窓
歌癭枕樹挂風瓢山無價買隱有詞招斯苔也周內史
宿酒壺邊烟皺思起屈大夫擣衣砧上黛點情饒彼遺
形而放志者能無獨謠謠曰苔之生兮自若人有哀兮
有樂哀者貴兮樂者賤貴者危兮賤者宴噫哀樂兮何
時止貴賤循環兮而後已

贊

并序

荀卿子有蠶賦揚泉亦為之皆言蠶有功于世不斥其禍于民也余激而賦之極言其不可能無意乎詩人碩鼠之刺于是乎在

古民之衣或羽或皮無得無喪其游熙熙藝麻績纊官初喜窺十奪四五民心乃離逮蠶之生繭厚絲美機杼經緯龍鸞葩卉官涎益嚙盡取後已嗚呼既泰而烹蠶實病此伐桑滅蠶民不凍死

自憐

并序

余抱病三年于衡泌之下醫甚庸而氣益盛藥非良而價倍高每一把臂一下杵未嘗不解衣輟食而後致也其為窮且否亦已至矣聖人云五福六極之數曰壽曰富曰康寧曰貧曰疾曰憂既貧且疾能無憂乎憂既盈矣能無傷乎人既傷矣能不奪壽乎是不蒙五福偏被六極者也誰其憐之作自憐賦

噫天地兮何德以生予付邃古之道兮惠而行諸聖人耕吾亦耕聖人漁吾亦漁聖人窮或過于是聖人達曾

不依于既不獲築說莘伊委身而理天下又不及箕巢
穎許散髮而類鶉居率幽憂之情抱將退伏于林廬謂
之積兮繁其疏搜羅以虛謂之枵兮輔其儲涵潢乃瀦
旁無垠兮上無初退不足兮進有餘先寒束縮後燠敷
舒首蓬鬆以半散支棘瘠而枯疎中躁兮燿炮之蟹外
撓兮冠帶之狙凌兢兮上坂之馬帖捻兮橫沙之魚行
則左人而右杖卧則夕擁而晨祛冒忌者即席奮擊責
功者越月紆徐痿寧忘起憤亦懷攄天難致問道竟何

如孟子之言得矣盡信不如無書雖武成取其二三策而已又焉知是歟非歟臯繇瘠師曠瞽子則視瞻而言語郯子跛行父禿子則趨蹌而櫛沐幸固陋而或全豈乖離乎素躅敢諫鼓不陳進善旌不理布衣之說無由自通乎天子丞相府不開平津閣不立布衣之說無由自通乎宰執苟吾君吾相不聞天下之名言則蒼生何由施械而去繫傳云垂之空言不若存之于事業易曰未繙井羸其餅凶歎水德之莫及哀吾材之不試徒抱

影以中泣一蠟在木兮柯瘍葉痿寒暑三病兮吾寧禦
哀服猛鷲兮捕龍螭吾無力支大舜禹兮張孔姬吾其
庶幾託斯文之赴愬冀君子之攸宜苟家聲戶塞之弗
寤老死空山兮已而

田舍

江上有田田中有廬屋以荻蔣扉以蘆蔭芭籬捷微方
竇虛疎簷卑欹而立偃僂戶偏側而行趑趄蝸旋頂隆
龜拆旁塗夕吹入面朝陽曝膚左有牛棲右有雞居將

行瞪遮未起蹄驅宜從野逸反若囚拘天隨子愀然而
吁復自諫曰祿以代耕如無祿歟無祿無耕為工商歟
有沮溺之賢以仕易農乎有輪扁之道以仕易工乎有
弦高之義以仕易商乎今則不然能無說焉蓋仕不愧
祿而揣政咸率人以奉已使農工之泊商民棄其守而
趨仕農之仕墜于力而希歲工之仕巧于文而幸貴商
之仕射其肥而啗利所以國靡凶荒之儲家乏完堅之
器人闕有無之備莫不由是加以上多而下寡不勝剥

喪之苦轉徙盜聚而充熾焉嗚呼吾丁此時何以道之
將提新書抱野史上干天子之有司如怒鼃之跳梁于
風雨自謂登乎龍籍不其遠而遠而有牛角角有田基
基不值歲惡未嘗孔飢今則陽亢而驕苗渴而萎十穗
百粒獲夫涕洟饘于是粥于是信夫鼎銘之我欺彼為
聖人儉者茅茨勞者胼胝顧余懦夫勤陋何疑有鰥在
下者舉舜之德毋惟汝諧者授禹之辭不舉不授雖聖
胡為乃繼而為詩道不可不若天不可不樂謹爾溝塍

利我錢鏞聊以卒歲更俟東作

求志

井序

孔子曰吾志在春秋予以求聖人之志莫尚乎春秋
得文通陸先生所纂之書伏而誦之作求志賦

語稱人之所好必舉嗜慾以為志余之生也百無一厚
者唯古學庶幾乎可媚嗚呼師道之不存安能盡識乎
疑義樂夫子之春秋病三家之若仇得啖趙疏鑿之與
損益然後知微旨之可求乃服膺而誦之見聖人之遠

猷長風廓其群翳赫日臨乎大幽又似車堅馬良善御者涉乎康莊高標巨舟工泛者順其安流如魚之就貫如繭之獲抽伊尹和齊于五鼎箕子區分乎九疇酌大中于萬古偉聖心之獨斷宜乎沮齊侯于夾谷斬正卯于兩觀溝公墓以掩廢逐隳私城而防僭亂用千載之遺法發一辭而可判況先生之指歸屹波濤而畔岸雖顛昧而不開亦思之而過半范武子曰君子之于春秋也沒身而已矣吾謂斯言之不誕

柳李花

乾符三年作

試問花翁得柳李之春叢移來砌下出自山中長霑澗
雨迴灑巖風曾不得次玉堂而展低艷承畫閣而逞微
紅虛在芳菲之數徒干造化之功弱植歌危繁梢襍積
一枝上能萬其膚萼一萼中自參其丹白且桃以夭而
舜以華芍藥為贈兮芙蓉可嘉誰為剪絳綺碎明霞鳳
葆璫瓏于水殿霓襟掩苒于雲車靜倚庭楹徐飄藥氣
落幽閨怨別之夢寫空谷遺榮之思初侍東陵聖母治

態嬌妍近辭北燭仙人愁容委墜嗟其結莓苔之地抱
林麓之姿蝶善舞而相畧鶯能言而見欺香憐隊少蒂
戀飄遲當盃者不顧守道者應知請看嵇康高士傳莫
信長安輕薄兒

微涼

戊戌七月作

椒梧既謝

越椒
閨梧

屈原增傷菱先鴈敗柳徇蟬荒日落深

宮十四等皆為麗絕雲愁大澤九百里盡欲流揚暑退

未退宵長未長傍寶階

一作
曲檻

以尋冷當綺疏而薦香飄

飄拂拂悄悄悵悵省團扇以搖清泥瑤琴而泛雅石穩
將卧筇輕欲把沈尹見王筠佳詠不覺書之謝傳感桓
伊哀箏無端涕下單栖悟早共賞情多應從遠壑定降
明河病樹一枝度日空懷越奏輕帆十幅乘秋好唱湘
歌殷浩休談楊弘自舞粉初漬而題媚塵適消而盡古
正在安榴館裏寂寞饒潘暫登酸棗臺時淒涼付庾潛
生翠被暗著金樓銖銖減癖斛斛量愁草玄者逐貧無
暇梯附者結客而游暮雨陵邊有魏主常聞之樂夕陽

池上有蔡姬曾蕩之舟恨鎖疎烟衿披遠水露桂方澹
風篁或倚鄂侯之餘冷猶在江令之宿醒初起道氣全
衰離情遍駛許玉斧神超碧落仰接應難成花君怨別
青宮追傷未已

中酒

書編百氏病載千名將有濱于九死諒無敵于餘醒窓
間落月枕上殘更意欲問而無問夢將成而不成心悄
悄目瞢瞢愛靜中而人且語愁曙後而雞已鳴才遭輶

轢適別恩情屈大夫之獨醒應難共語阮校尉之連醉
不可同行氣縷支綿神離色沮前歡已誓手拋擲往事
空經乎思慮有馘卓擒靈

與伶同

之伍我願先登有殛狄

放杜之君臣能執御聿

疑

當拔酒樹平麴封培仲榼碎

堯鐘先刊美祿次削真龍編虎鬚者寧教畔去持蟹螯
者不要相逢欲倚還眠將詞又默深窮寂寞之境別有
淒涼之域黃昏細雨迷途而不到長亭白晝繁華失意
而初歸故國背枕求穩牽幃就黑愁應平子分與渴是

相如傳得感物逾嗟懷人又惻謝月鏡共王清去去不
乏風流杜蘭香別張碩來來更無消息冠纓不御杯案
空陳徒殲燕燕之髀漫費猩猩之脣牛心表異熊掌稱

珍剪雲夢莖

宜

採泮宮芹周子之菰向晚庾郎之薤初

春加以歐川桂蠹賴谷榆人雖馳心于萬品且忘味于
茲辰莫話三年誰云五斗從齊奴車騎如水任阿甯風
姿似柳仙莫得而媒艷何能而有麟毫簾近遮雲母不
足驚心琥珀釧將還玉兒未能迴首或乃強迎賓友力

答牋書落魄不啻厭伊有餘襜褕猶嬾整解散固慵梳
卞士蔚專諷蝦蟇誠堪竊笑莊周子化為蝴蝶實是憑
虛客曰雖鯖鮓能珍微風可析豈比夫榴花竹葉之味
鄴水之清中山之碧必能醺骨酖顏潛消暗釋況前覆
乃後車之警獨行為衆人之僻不然吾將受教于聖賢
敢忘歡伯

甫里集卷十四

欽定四庫全書

甫里集卷十五

唐 陸龜蒙 撰

賦

幽居 井序

陸子居全吳東距長洲故苑一里闔關不通人事且
欲吟詠情性曰燕居則仲尼有之矣曰卜居則屈原
有之矣曰閒居則潘岳有之矣郊居則沈約有之矣

既抱幽憂之疾復為低下之居乃作幽居賦其序云
余少學窮玄早持堅白其生也懸贅附疣其材也戴
癭銜瘤居無養拙之資出有倦游之嘆初張蓬矢嘗
逞志于四方末佩桃艾敢違仁于一日雖家風未泯
而世德全衰門等韋平材兼魏邴激清芬而鎮俗追
雅望于圖形荀勗乃天下表儀裴秀為朝端領袖朱
輪十乘紫誥千篇炳若星辰煥乎竹帛俯觀圖諜謬
辱孫謀五鼎蕭條賜書零落漆工酒保幾欲沈淪故

栗空桑屢瞻挫折劉起劉毅俱無儋石之儲許邁許
詢但有山林之志思鑿坏而遁聊倚樹而吟師道氣
于龜腸扣兵鈴于魚腹窮年學劍不遇白猿隔日伏
店未逢黃鸝止則葭牆艾席行則葛屨柴車仲宣方
翫于碁枰叔夜還眠于鍛竈既而草知晦朔木讓榮
枯因推墨別為三始悟儒分至八何晏之言道德不
及王生鄭玄之注春秋才同服氏初陳梗概漸入精
微探桓範之智囊掘張憑之理窟遺其耳目然復為

之聰明差若毫釐焉足言乎大小加以病惟鬪蟻力
止戡蟬簾幃非翡翠之榮鐘鼓豈鷄鵠所樂退惟衡

泌

毗必切

聊以棲遲建一畝之宮忝稱儒者置十金之

產雅叶中人晏子以囂塵可容曹公以泥水自蔽羅
含宋玉常苦出于荆蠻蕭相武侯亦潛居于僻陋楊
德祖家惟弱柳殷仲文庭只枯槐馮衍薑辛繁欽蕙
碧復有稻名半夏藥號恒春長榆亦降星精脩竹乃
生雲母潘岳館裏嘗聞柰素瓜甘庾信園中亦話棗

酸梨酢

且故切

切觀留詠雅尚清風今古攸同聖賢何

遠武仲游于沛澤伊尹耕于有莘子欲無言回不願
仕神交六位方為賣卜之人歌動五噫始作賃舂之
客況布袍綸帽尚足朝昏羽扇貂裘猶堪寒暑得以
書抽虎僕射用牛螭自理茶租閒披釣褐經稱小品
還下二百籤賦謂名都略點八十處下問得犁塗之
義徐聽聞愬怒之詩既已逢原遂成擣翰非因授簡
竊擬遺鞭不能粉飾大猷且用玄黃稗說貽于好事

希從得意而傳責以壯夫甘受子雲之笑賦云

秦伯句吳通侯舊里地接虎丘門臨鶴市比顏巷兮非
陋方賜牆兮猶峙樂令有名教之樂必以仁行莊生乃
道家者流咸從達起彼既得矣余何謝焉欲神游于浩
氣法天隱于遺編魯仲孫衣止七升之布樂武子食無
一卒之田賤不容憂貧惟可賀冥心而姑務藏疾卷舌
而誰能擊情爭先敢脫乎牛車自給方營于馬磨噫秦
時亡命競作帝師吁漢末遺臣皆稱王佐吾焉用此僕

病未能藝合歡求解表之力餌陟釐明攻冷之徵悲少
歌于趙壹喜長嘯于孫登萬古騷人遠追乎橘浦百金
攄事近出于松陵亦慕偷桃還憐嗜艾艾何悲尺蠖之
屈未損丈夫之志投簪隱几聊思夷甫談玄搦札濡毫
聊效文通奏記夫靜者躁之君名者實之賓進不參于
多士退宜追乎逸人頌厥土之三壤託高風之四隣纔
祛燥濕稍遠囂塵以日繫時且復窮于魯史穿池種樹
正欲類于齊民室乏崇牆墉非縮板因坎窞以為湔謝

蒙籠而表限孟介無是非之心阮通能青白之眼龜牀
鹿憤訝將隱兮何遲橡飯菁羹笑謀生之太簡是知名
安可釣筆不堪耕有白鳳之才乃先為贅客有雕龍之
辯然後為狂生雄自投而幾死禰流慟而將行外嬖方
施孟子虛陳乎仁義中讒既勝韓非徒恃其縱橫況復
支離壹鬱阨陋蹇吃才甚微而寡文體素羸而多疾陰
鏗藥鉞披曉幌以偕來徐邈酒鎗擁寒爐而必出自然
忘物我混窮通將大宗師理叶與握真宰情同優游塞

馬脫落冥鴻竊慕王晞眷戀于芳辰美景深符謝朓留
連于明月清風得不分碕岸而飾荒臺輟金錢而買佳
樹蓴絲兮欲流千里草帶兮初圍十步頽垣抱碧無非
海髮山衣暗座飄香盡是松肪桂蠹加以籬邊種菊堂
後生萱覆林之新桐乍引臨窓之舊竹猶存花妨過帽
柳碍移門夢去而雲遮絕洞樵歸而水遶孤村遇境逍
遙就魚鳥之性樂開襟散誕見羲皇之道尊卑濯言泉
屢遊庭苑憂中廢而將落懼無文而不遠豹管閒窺羊

岐忘返搜束皙之亡缺補陳農之遺遁梁世祖府充名
畫或得竒蹤任敬子家聚群書率多異本何嘗髣髴莫
究分毫徒羨玉杯珠柱

上書名下琴名

之號美象格犀簪之態

高寧容朴野不稱蓬蒿悵殘編之未構奚雅具之為勞
況乎栖平蕪古木之地壯被褐擁篇之事宜其梓合巾
箱藤交餅筍炊粃粃以為食剖瓠瓢而作器荷篠而行
據梧而睡妖寧勝德休占賈誼承塵醉可全真但舞王
戎如意其間豁爾此外蕭然姜肱則惟眠一被江革則

還留夾纈望夫子之門牆仍過數仞顧先生之履襪不

啻雙穿敢驚時而獨行聊收視而返聽豈可浪廢玄關

虛搖譚柄夜將半而誰客月每旦而誰評

去聲

清言不屈

孫劉詎減于中軍善講無窮支許那輕于小令或抽易

緒或叩玄端演精微于簡易甘澹泊于危難澄如止水

罌

音測

若長竿與

去聲

牛心者赴敵持麈尾者登壇交衡而

矛戟初利頓挫而風霜正寒興公雅韻仲祖旁觀始信

何才當指地于丞相方知習健抗彌天之道安彼蘧落

而無容且蕭條而高寄兼耳目以咸外曷丘園之足貴
幸春物之向榮列天姿而見遺陰者負而陽者勝孰謂
兩儀瘠者緩而腴者先奚云一氣真宰難問洪鈞肯留
人間未適象表何求縱使掬煙霞而傲睨騎日月以嬉
遊乘剛直上躡景冥搜縱橫兮四海飛揚兮十洲閱仙
苑之琅書安能解慍傾洛公之金醴幾得銷憂不假大
招寧馳別國悲故鄉之何在望平原之無極

陸鄉在平原乃遠祖

所封之地

歎鐘鼎之沈光向漁樵而騁力庾桑有道猶居畧

壘之顏接輿佯狂亦取枕

音椿

墟之食徐誇下舍陶愛吾

廬上法於陵之畦圃旁分建業之村墟時牽殫殫自把

渠疏友乏惠施莫解連環之義醫無文摯誰知方寸之

虛存其道而或通失其居而或旅才將命兮分坎窞性

與時兮甘齟齬間遊廣澤願學弋于蒲且

弋或作戈

終蹈滄

溟更移家于苧嶼夫動以勞吾身靜以休吾神苟能推

于用捨自足究乎天人思任誕于窮檐何辭井臼不求

容于側徑何患荆榛湛

音沈

冥者朴素之源毀譽者浮華

之轍著名聚雪仍招死草之譏琴號落霞亦被枯桐之
誚值聖則幽贊成功逢賢則雅音攸發同于德者大亦
宜然殷宗命相于嵩下周武迎師于渭邊有東山北郭
之風纔能養素有左車右侯之計未足圖全嗟浩歎而
哀吟畏蘭彫而蕙歇清鑄方灑于瑤水寶瑟坐凝于華
月歸田少接猶疑片鷄追飛羽獵相逢可謂蕪菁唐突

採葯

并序

葯白芷也香草美人得此比之君子定情屬思聊為

賦云

日上融冷春歸飾荒覩一時之流恨撫萬古之遺香問
人則不屈不宋說地則非瀟非湘寒其榮煙攜而動色
擢其體雪挺而騰光諷畔牢愁子雲于焉華皓吟衰時
命曼倩由是摧藏清思矜年慵情畏晚胡繩繫晷以難
駐揭車載春而不返陋君折楊柳須為送行陋君採芙
蓉仍勞贈遠豈如陰晴互出雅豔相迎隈回鳳喜怨盼
鴻驚侍笑者青琴作號顧喟者碧玉為名偷襲積競榮

盈目斜河而水怯鬢疊葉而雲爭蘭在口以時聞嬌如
連瑣蕙牽心而不定飄若懸旌契叩難申融怡自許石
能潛遁以求偶山亦浮來而命侶誓不為岩阿竹冉冉
孤生誓不為澗底松亭亭獨處于是欺皓本掩綳蕤房
紅者自破帶縹者誰披望懷沙之浦詠遺襟之詞煙分
而麝墨猶濕綺斷而龍刀合知只言長信長門年年可
恨未必傾城傾國箇箇生悲臨階躑躅以虛徐當戶薔
薇分綽約

一作
約弱

蜂昨葉而先盡鶯躑枝而易落未若北

堂公子樹芳草忘憂南國佳人佩生香辟惡露茁煙冶
風條翠謔不知海傍之期遠不信人間之命薄休為上
計掾空尋寶釵聊作侍中郎且乘金絡別有廬江小吏
蜀郡長卿或支離而築恨或調笑以囊情不同乎稟簪
裾而霧悄秉禮義以霜明鄭交甫則江邊珮解萼綠華
則席上詩成彼怡神而致問皆護節而含貞疎懼趨前
一作疎雖陳辭而往愬遷延却立終結抱而難平淚滴
擢自持堪穿腸迴好繫蟲絲織怨以成段象酒蠲愁而判劑江

僕射之孤燈向壁不少淒迷張記室之少婦當壚還應

細麗景方駘蕩思已低摧酒疲于子建為使花困于靈

均作媒何庶物之相負痛妍華而未迴莫與心傷瑤圃

從驚鵜鴂

弟桂
二音

如防膽怯空屏宜畫魃堆

獸名

剩欲追尋

徒嗟緬邈杯形連理而終在扇樣合歡而可學若遇劉

公伯雅夢亦沈沈如逢

一有
西字

王母少兒書還數數

書帶草

彼碧者草云書帶名先儒既沒後代還生有味非甘莫

共三山芝校無香可媚難將九畹蘭爭叨詞林畔種在
經苑中榮翠影臨波恐被芙蓉見鄙貞姿傍砌愁為芍

藥相輕發葉

一作地

抽英因天授性紛稚圭池上之宅拂

仲蔚門前之徑不省教施異術安得返魂未嘗輒入明
廷何當指佞幾臨寒日幸到青春莎藥未傳于漁父蒲
茸竊詠于詩人霜亦曾霑潘令偏知白薤風常遍起宋
生惟道青蘋栽培只倚于賢隣寥擷長憂乎雉戲出慙
無用舒還有異當琴操發伯牙山水之情值儒編動鑿

齒陽秋之思敢曰求友寧忘慕義吳娃楫上空羨苔滋
魏主帷中惟通蕙氣或乃蘭焚越徵董茂周原幽搜莫
及興詠徒存此則對仲舉蕭疎之室處子山搖落之園
不識深宮豈是曾為帝女非侵遠道誰言能憶王孫徒
愛其歛疎煙披曉露弱可攬結勻能布護蕭蕭而不計
榮枯漠漠而何干好惡金燈照灼尚驚秦帝之焚粉蝶
留連真謂羽陵之蠹爾乃高推籬菊瑞許階莫我則惟
親志士每聚流螢豈便離蒿萊于隙地希杜若于遙汀

倘遇翰林主人之一顧庶長保乎青青

秋蟲

敗壁秋立昆蟲夜鳴蠶者角者旁行却行一不知其詭
狀空太息于繁聲俱霑品彙共費生成穴陰階而負固
抱枯蘚以圖榮退無力役進不爭名體肖翹而易動音
嗚咽而難平深宮淚迸逆旅魂驚香殘漏永月皓樓明
謝臨川行樂微吟應侵古調劉越石登陴坐嘯更裊餘
清唧噴懷讒悽嘶往愬縷急如斷絃么欲怒或自竒而

不屈或相先而並妬亦有騷客裁錄詞人暫賦已矜牀
下之光輝遽笑艸間之霜露悲夫病枕潛移愁屏屢顧
耿耿宵夢悠悠遠趣朱雲沒後方知直氣無前馮衍歸
來始歎高才不過

麈尾

謝文靜桓靈武王東亭郗北府相與叩易論玄驅今駕
古散入神明之蹟中稽道德之祖理窟未窮詞源漸吐
支上人者浮圖其形左擁竹杖右提山銘于焉就坐引

若潛聽俄而齧缺風行道遙儀立不足稱異纔能企及
公等盡矚當仁咸云俯拾道材乃攝艾納而精爽捉犀
柄以禪揖天機發而萬目張大壑流而百川入嗟乎世
路崎嶇藏訛掩瑕陽矜莊而靜嘿暗奔競而喧嘩貞襟
柴棘與旨泥沙雖然代絕清談客置此聊同王謝家

甫里集卷十五

欽定四庫全書

甫里集卷十六

唐 陸龜蒙 撰

雜著

叢書序

叢書者叢脞之書也叢脞猶細碎也細而不遺大可知其所容矣自乾符六年春卧病于笠澤之濱敗屋數間蓋蠹書十餘篋伯男兒纔三尺許長礪音毀齒猶未徧教

以藥劑象梧子大小外研墨泚筆供紙札而已體中不堪羸耗時亦隱几強坐內壹鬱則外揚為聲音歌詩頌賦銘記傳序往往雜發不類不次混而載之得稱為叢書自當去聲緩憂之一物非敢露世家耳目故凡所諱中略無避焉笠澤松江之名

送小雞山樵人序

小雞山在震澤西出吳胥門背朝日行四十里得野步市曰光福光福西五里得土山山土多石寡無大林木

率生小櫟樸楸皆新材直吳之爨此為助焉連延廣袤
不一其主為言畫疆界以相授自家至麓凡二百弓東
北倍高而加半焉余所置多少如此予家大小之口二
十月費米十斛飯成理魚藪輩十解薪然後已四時賓
客沐浴澣濯疾病湯藥糜粥在外歲入五千束足矣其
掌而供事曰顧及小雞之樵眊也乾符六年春弗雨夏
支流將絕八月暴雨而巨觴可實而行之矣九月朔方
置薪二百五十于門名而責之曰吾一夏來撤敗屋拔

庭草以炊雨之明日望爾來矣何數廉而至晚得非赭
吾山而為汝之利耶吾而欺如名惡何及笑曰吾年餘
八十矣元和中嘗從計部遊京師人言國家用兵帑金
害粟不足用當時江南之賦已重矣迨今盈六十年賦
數倍于前不足之聲聞于天下得非專地者之欺甚乎
吾有丈夫子五人諸孫亦有丁壯者自盜興已來百後
皆在亡無所容又水旱更害吾稼未即死不忍見兒孫
寒餒之色雖盡售小雞之木不足以濡吾家矧一二買

名為偷乎今子一煬竈不給而責吾之深吾將欲移其
責于天下之守則吾死不恨矣予歎之曰汝之言信也
然不當發于予汝姑歸與之酒繼之以歌云長其船兮
利其斧輸予薪兮勿予侮田予登兮穀予庾突晨煙兮
蓬縷縷窓有明兮編有古飽而安兮惟編是伍時不用
兮吾無汝撫

送豆盧處士謁宋丞相序

龜蒙讀揚雄所為書知太玄準易法言準論語晚得文

中子王先生中說又知其書與法言相類道之始塞而終通子雲軋軋不足當也何者子雲仕于西漢末屬莽賢用事時皆進符命取寵雄獨默默以窮愁著書病不得免人希至其門止一侯巴從之受太玄法言而已文中子生于隋代知聖人之道不行歸河汾間脩先王之業九年而功就謂之王氏六經門徒弟子有若鉅鹿魏公清河房公京兆杜公代郡李公咸北面稱師受王佐之道隋亡文中子沒門人歸于唐盡發文中文子所授之

道左右其治太宗每歎曰魏徵教吾功業如此恨不使
封德彝見之逮今十八聖舉其君必曰太宗舉其相必
曰房魏上下之心恥不及貞觀則生人受賜足矣豈非
文中子之道始塞而終通乎丈人文中子外諸孫也誦
文中子書不絕于口率兄弟耕稼以自給一旦訪龜蒙
曰吳中兵荒來人不足犬豕之食安能遂退藏耶吾從
子相天下矣吾西而見之龜蒙曰丈人外族之門人實
作良輔今復家有丞相必以房魏之道致君中興是內

外有德于四海也此行徒東歸乎昔丞相未升甲科時
年纔弱冠龜蒙幸得參游中以凡事之許與膠固形于
歌詠及丞相為朝鉅儒居侍從之列龜蒙江湖邊病不
能起一耒而耕一船而漁有文三十編有書數千牒未
嘗干求諸侯故得沒沒無一人道著名字今丞相方築
太平之基架群材立清廟丈人承閒宴語幽仄試丞相
意復念以小謝城北秋霖聲高中夜對榻有苦吟生耶
因丈人之行叙房魏得王佐之道丞相追貞觀之風小

子復言曩日之分雜而書之用以為送

送侯道士還太白山序

侯生嘗應舉名彤作七言詩甚有態度不見十年自云
載質于有司藝不中度輒得黜齟齬不與世合去入老
子法中作道士更名雲多居太白山在雍西南梁州之
地苦寒霜雪常積雖夏五六月赫日在上群峯若焚我
獨皓然玉聳岩壁澗壑之木不數百年不能為材及其
堅良不與他等民乘是氣皆壽而不衰況養生者耶吾

南遊天台既將復而老焉予曰夫物命乎天者人不能
有存乎人者天不能奪推其氣則謂之一考其命則有
懸絕不類者焉居恒寒之地而不天者吾不信也處恒
燠之地而不壽者吾不信也信其命乎天者人不能有
而已矣傳曰仁者壽則恒寒之地不仁者夭而死矣恒
燠之地仁者壽而生矣苟恒寒之地壽其不仁者恒燠
之地天其仁者是寒燠為不祥之氣夫何以佐天地生
植乎哉如此則居寒而壽居燠而夭吾益不信也信乎

存乎人者天不能奪而已矣或曰仁者壽不仁者亦壽
不仁者天仁者亦天吾又不知命乎天存乎人果可信
乎未也無乃自壽自天自仁自不仁耶天不能與之又
安能奪耶信矣姑務乎仁無以山寒自欺吾亦信子之
壽矣

江湖散人傳

散人者散誕之人也心散意散形散神散既無羈限為
時之怪民東于禮樂者外之曰此散人也散人不知恥

乃從而稱之人或笑曰彼病子之散而目之子反以為其號何也散人曰天地大者也在太虛中一物耳勞乎覆載勞乎運行差之晷度寒暑錯亂望斯須之散其可得耶水土之散皆有用乎水之散為雨為露為霜雪水之局為瀦為洳為潢汙土之散封之可崇穴之可深生可以藝死可以入土之局塤不可以為埏甕不可以為孟得非散能通于變化局不能耶退若不散守名之筌進若不散執時之權筌可守耶權可執耶遂為散歌散

傳以志其散

甫里先生傳

甫里先生者不知何許人也人見其耕于甫里故云

甫里

松江上村墟名

先生性野逸無羈檢好讀古聖人書探六籍識

大義就中樂春秋挾擿微旨見文中子王仲淹所為書

云三傳作而春秋散深以為然貞元中韓晉公嘗著春

秋通例刻之于石

今在潤州文宣王廟

意以是學為已任而顛倒

漫漶

胡館切

翳塞無一通者殆將百年人不敢指斥疵類

先生恐疑誤後學乃著書撫而辯之先生平居以文章自
怡雖幽憂疾病中落然無旬日生計未嘗暫輟點竄塗
抹者紙札相壓投于筐箱中歷年不能淨寫一本或好
事者取去後于他人家見亦不復謂已作矣少攻詩
欲與造物者爭柄遇事輒變化不一其體裁始則較轢
波濤穿穴險固囚鎖怪異破碎陣敵卒造平澹而後已
好潔几格音各窓戶硯席剪然無塵埃得一書詳熟然後
寘于方冊值本即校不以再三為限朱黃二毫未嘗一

日去手所藏雖少咸精實正定可傳借人書有編簡斷
壞者緝之文字謬誤者刊之樂聞人為學講評通借不
倦有無賴者毀圻揉汙或藏去不返先生戚然自咎先
生貧而不言利問之對曰利者商也今既士矣奈何亂
四人之業乎且仲尼孟軻氏所不許先生之居有池數
畝有屋三十楹有田奇十萬步吳田一畝當
二百五十步有牛不減
四十蹄有耕夫百餘指而田汙下暑雨一晝夜則與江
通無別已田他田也先生由是苦飢困倉無斗升蓄積

乃躬負畚鍤率耕夫以為具

具區之具

且每歲波雖狂不能

跳吾防溺吾稼也或譏刺之先生曰堯舜黜

明飢切

瘠大

禹胼胝彼非聖人耶吾一布衣耳不勤劬何以為妻子

之天乎且與蚩虱名器雀鼠倉庾者何如哉先生嗜菴

置園於顧渚山下歲入

山在吳興郡歲貢茶之所

茶租十許薄為甌

犧之實自為品第書一篇繼茶經茶訣之後

茶經陸羽撰茶訣皎

然撰南陽張又新嘗為水說凡七等其二曰惠山寺石泉

無錫縣

其三曰虎丘寺石井其六曰吳松江是三水距先

生遠不百里高僧逸人時致之以助其好先生始以喜
酒得疾血敗氣索者二年而後能起有客至亦潔樽置
觶但不復引滿向口爾性不喜與俗人交雖詣門不得
見也不置車馬不務慶弔內外姻黨伏臘喪祭未嘗及
時往或寒暑得中體性無事時乘小舟設蓬席費一束
書茶竈筆牀釣具櫂船郎而已所詣小不會意徑還不
留雖水禽夏起山鹿駭走之不若也人謂之江湖散人
先生乃著江湖散人傳而歌詠之由是混毀譽不能入

利口者亦不復致意先生性悃急遇事發作輒不舍忍
尋復悔之屢改不能矣先生無大過亦無出入事不傳
姓名無有得之者豈涪翁漁父江上丈人之流者乎

戰秋辭

八月空堂前臨隙荒抽關散扇晨烏未光左右物態森
疎強梁天隨子爽駮五可切恂慄恍軍庸之我當濠然而

溝壘然而牆轟然而桂隊然而篁杉巉攢矛蕉標建常
槁父矢束矯蔓絃張鼃合助吹鳥分啓行若革進而金

止固違陰而就陽無何雲顏師風旨伯蒼茫慘澹隳危
撼劃煙蒙上焚雨陣下棘如濠者注如壘者闢如轟者
亞如隊者析如矛者折如常者拆如矢者仆如弦者磔
如吹者瘖如行者惕石有髮兮盡累木有耳兮咸馘雲
風雨煙乘勝之勢驕杉篁蕉蔓敗北路之氣撼天隨子
曰吁秋無神則已如其有神吾為爾羞之南北畿圻盜
興五碁方州大都虎節龍旗瓦解冰碎瓜分豆離斧抵
耄老干穿乳兒昨宇今燼朝人暮尸萬犢一啗千倉一

炊擾踐邊朔殲傷蜚夷制質守帥披攘城池弓弩不利
甲綴不離兇渠歌笑裂地無疑天有四序秋為司刑少
昊負宸親朝百靈蓐收相臣太白將星可靈可電可風
可霆可壅溺顛陷可天札迷冥曾忘鑿剪自意澄寧苟
蜡禮之云責觸天怒而誰丁奈何欺荒庭凌壞砌擬崇
蔭批宿蕙揭編茅而逞力斷緯蕭而作勢不過約弱歆
垂戕殘廢替可謂棄其本而趨其末捨其大而從其細
也辭猶未已色若愧恥于是墮者止偃者起

祝牛宮辭

并序

冬十月耕牛為寒築宮納而阜之建之前日老農請
乞靈于土官以從鄉教予勉之而為之辭

四牴三牯中一去乳天霜降寒納此室處老農拘拘度
地不畝東西幾何七舉其武南北幾何丈二加五偶楹
當閒載尺入土太歲在亥餘不足數上締蓬茅下遠官
府耕耨以時飲食得所或寢或卧免風免雨宜爾子孫
實我倉庾

迎潮送潮辭

并序

余耕稼所在松江南旁田廬門外有溝通浦溆而朝夕之潮至焉天弗雨則輒而留之用以滌濯灌漑及物之功甚鉅其羸壯遲速繫望晦盈虛也用之則順而進捨之則黜而退有類乎君子之道翫而感之作迎潮送潮二辭聊寄聲于騷人之末云

迎潮

江霜嚴兮楓葉丹潮聲高兮墟落寒鷗巢卑兮漁箱短

遠岸沒兮光爛爛潮之德兮無際既充其大兮又充其
細密幽人兮歎柴門寂寞流連兮依稀舊痕濡腴澤槁
兮潮之恩不尸其功兮歸于混元

送潮

潮西來兮又東下日染中流兮紅灑灑汀葭蒼兮嶼蓼
枯風騷牢兮愁煙孤大幾望兮微將晦翳睨瀛溶兮斂
然而退愛長波兮數數一幅巾兮無纓可濯帆生塵兮
櫂有衣悵潮之還兮吾猶未歸

問吳宮辭

升序

甫里之鄉曰吳宮在長洲苑東南五十里非夫差所幸之別館耶披圖籍不見其說詢故老不得其地其名存其跡滅悵然興懷古之思作問吳宮辭云

彼吳之宮兮江之邗涯複道盤兮當高且斜波搖疏兮霧濛箔菡萏國兮鴛鴦家鸞之簫兮蛟之瑟駢筠參差兮界絲密讌曲房兮上初日月落星稀兮歌酣未畢越山叢叢兮越溪疾美人雄劍兮相先後出火姑蘇兮沼

長洲此宮之麗人兮留乎不留霜氛重兮孤榜曉遠樹
扶蘇兮愁煙悄眇欲撫愁煙兮問故基又恐愁煙兮推
白鳥

甫里集卷十六